



Ավետիք Իսահակյան

Ստեփան Լիսիցյանին, 1893թ. , մայիսի 18,
Ալեքսանդրապոլ

Հարգելի վարժաանետ.

Չգիտեմ ինչո՞ւ, բայց երկար ժամանակ է ոտանավորներիս տեղ չեք տվել «Տարագում»:

Իմ մեջ մի՞թե չկա բանաստեղծություն և իմ ոտանավորները սո՛ւկ ոտանավորներ են անգույն, անգեղարվեստ և անկրակ, գոնե իմ ինքնաճանաչությունը ինձ այդքան անբովանդակ չի կարծում... և մինչև անգամ խրախուսում է... իսկ Ձեր մոռացությունը ոչնչությունս երեսովս է տալիս և վիրավորում է ինքնասիրությունս:

Թույլ տվեցեք ասել այն, ինչ որ զգում եմ և մտածում. անցյալները Դուք իրար հետևից անընդհատ տպագրեցիք պ. Ա. Մատուրյանի ոտանավորները, իսկ վերջերս պ. Չ. Կոստանյանինը. ախր չէ՞ որ այդ, իմ կարծիքով, թերթի համար միապաղաղություն է. ընթերցողները ծանոթ լինելով ծանոթ բանաստեղծների մոտիվների հետ, տաղտկությամբ են կարդում համարյա կրկնությունները, և այս եզրներից այն է եզրակացվում, որ ավտորիտետ ասած բանը հանդուգն է, և այդպիսով նոր ծլող ուժերը խոնարհվում 'են նրա առաջ՝ կորցնելով իրենց անհատականությունը...

Իհարկե, հարցը ուրիշ տեսակ կձևակերպվի, եթե լինի անաչառ ընտրություն և անալիզ, իսկ այդ մենք չունենք...

Ձեզ ուղարկել եմ շատ ոտանավորներ. անցյալ անգամները ուղարկել էի «Իսպանական արաբների սիրո երգերից երեք երգ», բայց չտավեց, այժմ ուղարկում եմ մի քանի հատ (6) «Տարագի» համար: «Մայիս» ոտանավորս

«Տարագի» համար կորցրել էիր սեզոնը - ավելի պատշաճ է «Աղբյուրի» համար: Մրանց հետ ուղարկում եմ «Արգինայի լույսի» մասին գրածս: «Նոր-Դարի» № 78 - ում գրած էր այդ երևույթի վրա և նրան աստվածացրած, մարդ կատաղում է, երբ ամեն մի բան տպվում է այդ թերթում և մնում անբողոք: Խնդրում եմ «Տարագի» մոտիկ համարում տպեք «Լույսի» մասին գրածս, աղերսանդրապույցիք և շրջակա ավանները լույսի մասին սպասում եմ մի միտք հանգստացնող բան:

Միրելի վարժապետ, եթե հետաքրքրվում եք իմ դրությամբ, կարճ ասեմ. գարունս ես գյուղերում պարապում էի գործնական, գյուղատնտեսությամբ:

Արտասահմանի անցագիր չէին տալիս. այժմ երաշխավորների միջոցով տալիս են, և ես մոտ ժամանակներս կուղևորվեմ:

Ընդունեցեք համակրանքս:

Ձեր աշակերտ՝

Իսահակյան Ավետիք